

Kannen Sant Hilèr

Inouret é Pluniau

Ton : Santéz Noalen beniget

Diskan

**Sant Hilèr, patrom karet
Sekouret hou pugalé
Eit ma veint fidèl perpet
De lézen en Eutru Doué**

- | | |
|--|--|
| 1- Kañnamb ol, perhinderion
En inour de sant Hilèr
Pedamb ean a greiz kalon
D'hun sekour é peb dobèr | 8 - Get hirèh enta Hilèr
Er vadéent e houlen
Ha resèu e hra ember
En inour de vout krechén |
| 2 - Eskob gouiek, berùidant
Sant Hilèr en des biùet
Tro ha tro d'er blé tri hant
Goudé marù Salvèr er bed | 9 - P'en dé groeit krechén Hilèr
Ha merchet kroédur de Zoué
Nag a soursi e gemèr
Eit dihoal a gol er fé ! |
| 3 - E bro Frans, én Akiten
A noblans é oé gañnet
Er guir fé, er guir lézen
De getan n'hanaùé ket. | 10 - Troein e hra kein d'er juifed
D'éneberion er guir Doué
Jamés ne ven hum gavet
Na débrein é lod geté |
| 4 - El é dud, paian e oé
Mes gredus é studias
Eit kavet er huirioné
Ha ket pèle an hé havas | 11 - Mes er fé hemb en évreu
E zou ur fé a nitra
De salvein en ineañneu
Hilèr gredus hum laka |
| 5 - Fur ha sontil a spered
Hilèr e gonprenas bean
E hes un Doué, mestr er bed
Ha n'en des nameit unan | 12 - Ne oé ket hoah béleget
Ha alkent é predégé
D'en ineañneu fariet
En hent mat, er huirioné. |
| 6 - E lén er Skritur Santél
Muioh mui Hilèr e gred
En un Doué mat, éternel
En des kement tra krouéet | 13 - E vertuieu, é lokans
E hras er choéjein un dé
Aveit bout é léh Maxans
Eskob ér gér a Boitié. |
| 7 - Konzeu kaer en Aviél
D'é galon e hra tuemdèr
Ean e ven biùein santél
Aveit plijet d'hun Salvèr | 14 - Hag é santeleh nezé
Kaeroh pé kaer e splannas
Aveit dihuen er guir fé
Ol é studi e lakas |
| | 15 - Enep d'en Hérétiked
Keb nonbrus en amzér-sé
Hilèr get nerh avisted
E gonzé hag e skriùé |

- 16 - Mistér en Drinded santél
Mistér Jézus, Doué ha dén
Hilèr ar dreu ken ihuél
E ziskoé er guir greden
- 17 - En hérétiked feahet
Nitra mui ne reskondant
Mes doh é zaved karet
Ind e hra pellat er sant
- 18 - Er Phriji, pèl doh er frans
Forbañnet open tri blé
Hilèr ataù hemb doujans
E streuèé er huirioné
- 19 - Ean en devehé karet
Skuillein é hoed aveit Doué
Mes chetu ean degaset
Endro d'er gér a Boitié
- 20 - Péh ur joé eit en deved
Ou bugul mat pe huélant
Ol er gér e oé tolpet
Aveit digermér er sant.
- 21 - Pe oé deit Hilèr éndro
Hemb arsaù é labouré
Aveit santélat er vro
Aveit gounid tud de Zoué
- 22 - Mes d'er servitour gredus
Mal e oé d'en nean monet
De zichuéh étal Jézus
Goudé labour kent kalet
- 23 - De seih vlé ha tri-uigent
E varùas en dén santél
Hag é has é mesk er sent
D'en eurusted éternél
- 24 - Kenté varù, ur splandér kaer
En é ganbr e ligerné
Merch ag en inour, er gloér
E ié de reseù get Doué
- 25 - Rak m'en des er fé harpet
Get lokans ha vaillantiz
Sant Hilèr zou inouret
El doktor ag en Iliz
- 26 - Sant Hilèr en des diskoeit
E helloud bras dirak Doué
Dré virakleu en des groeit
ErauK é varù ha goudé
- 27 - Pedamb enta get fian
Sant Hilèr, liés a huéh
Aveit omb, aveit hun Frans
Aveit er barréz abéh
- 28 - Damb d'é chapél beniget
En dé kaer ag é bardon
Eit hum lakat ol kevret
Edan é hoarnasion
- 29 - Laramb dehou goarn er fé
En hun halon, Pluniaviz
Eit ma ieemb ol un dé
Devat hou d'er baraouiz.